

Na osnovu člana 14. Statuta Liječničke komore Unsko-sanskog kantona, Skupština Liječničke komore Unsko-sanskog kantona, dana 11.12.2017. godine donosi

PRAVILNIK

O DODJELI POMOĆI ČLANOVIMA KOMORE

Član 1.

Ovim pravilnikom utvrđuje se namjena i vrsta pomoći, te postupak za dodjelu pomoći ljekarima/liječnicima članovima Liječničke komore Unsko-sanskog kantona (u daljem tekstu: Komora).

Član 2.

Po zahtjevu članova Komore o dodjeli pomoći u skladu sa odredbama ovog Pravilnika, odlučuje Izvršni odbor Komore na sjednici.

Član 3.

Uslovi za dodjelu pomoći članu Komore su:

- da je upisan u Registar članova Komore
- da redovno izmiruje svoju obavezu uplate članarine Komori

Ako je zahtjev za dodjelu pomoći podnio član Komore koji je penzioner, pri dodjeli pomoći ne uzima se u obzir plaćanje članarine, ukoliko član ne ostvaruje dohodak dopunskim radom.

Član 4.

Pomoć koja se dodjeljuje članu Komore, u skladu s odredbama ovog pravilnika, je jednokratna novčana pomoć i nepovratna je.

Pravo na pomoć iz stava 1. ovog člana ima član Komore u slučaju kada, zbog težine bolesti, ne može obavljati ljekarsku djelatnost duže vrijeme.

Član 5.

Visina jednokratne novčane pomoć iznosi jednu prosječnu mjesečnu neto plaću u Federaciji Bosne i Hercegovine.

Član 6.

Pravo na jednokratnu novčanu, nepovratnu pomoć Komore pripada i članovima uže porodice člana Komore.

Članovima uže porodice iz stava 1. ovog člana smatra se: suprug/supruga i maloljetno dijete/djeca.

Član 7.

Član Komore, odnosno član uže porodice koji, u skladu s odredbama ovog Pravilnika, imaju pravo na nepovratnu novčanu pomoć, podnose pismenu molbu za dodjelu pomoći Izvršnom odboru Komore.

Uz molbu za dodjelu pomoći član Komore, odnosno član uže porodice, obavezno prilažu odgovarajuću dokumentaciju o ispunjenju uslova za dodjelu pomoći.

Ako je molba nepotpuna i nedovoljno obrazložena, stručna služba Komore zatražit će pismenim podneskom od podnositelja molbe da istu dopuni.

Rok za dopunu molbe za dodjelu pomoći je 15. dana od dana poziva za dopunu molbe.

U slučaju da podnosilac molbe, u roku iz stava 4. ovog člana molbu ne dopuni, odnosno stručnoj službi Komore ne dostavi traženu dokumentaciju, Izvršni odbor Komore odbit će molbu.

Odluke Izvršnog odbora su konačne.

Član 8.

Komora je obavezna voditi evidenciju o svim dodijeljenim pomoćima članovima Komore, odnosno članovima njihove uže porodice.

Član 9.

Ovaj Pravilnik stupa na snagu danom donošenja.

Predsjednik
Skupštine Liječničke komore USK
Dr. Safet Kuduzović

Broj:419/17
Bihać, 11.12.2017.godine